



## ti m wēen ne Wēnde, ad Wēnd sã n kãndg rao a yembr fo yĩnga, rē sõmblem ne foom n yuud ne dũni yugem miidu (neemã yulma)

Yii a Sahl [bn Sa'ad nengē, (Wēnd yard be a yĩnga) sēn yi Wēnd Tēn-tuumã nengē (Wēnd puusg la A tulgr be a yĩnga) t'a yeela Haybar raare: «Beoogo, m na n kōo tãp-kaokãngã raoa, sēn nong Wēnd la A Tēn-tuumã, ti Wēnd me la A Tēn-tuumã nong-a, ti Wēnd pake sēn tu a nugu», a yeelame: ti nebã gãand yungã n sōsda: yaa ānda la b na n kōo tãp-kaorã, la nebã sēn wa n vëeg beogã, b sãdame n kēng Wēnd Tēn-tuumã nengē (Wēnd puusg la A tulgr be a yĩnga), ti ned fãa rat ti b kō-a, ti Nabiyaamã yeele: «a 'Ali [bn Abu Ṭaalib bæε?» Ti b yeel-a: yaa Wēnd Tēn-tuumã, ad a nin a yiibã zabdame. T'a yeele: «tum-y ti b bool-a». Ti b tall-a n wa ne, ti Wēnd Tēn-tuumã (Wēnd puusg la A tulgr be a yĩnga) tubs a nin a yiibē wã n kos Wēnd a yĩnga, t'a maage, ti yaa wala zabdem ra ka be ne-a ye, t'a kō-a tãp-kaorã, t'a 'Ali yeele: Wēnd Tēn-tuumã: m na n zaba ne-b halu ti b yu wala tõnd bu? T'a yeele: «maag f meng n kēnge, halu n tug n sig b samandē wã, rē poorē bi f bool-b n tug lslaangē, la f togs-ba bumb ning sēn yaa tulae n zao b zugu sēn yaa Wēnd hake wã ti m wēen ne Wēnde, ad Wēnd sã n kãndg rao a yembr fo yĩnga, rē sõmblem ne foom n yuud ne dũni yugem miidu (neemã yulma)».

[Naṣun Ṣahuḥun (Gom-sikdem sēn manege)] [B zemsa taab a zugu (A Al-Buḥariy la a Muslim n reeg-a)]

Nabiyaamã (Wēnd puusg la A tulgr be a yĩnga) kōo sahaabsã kibare, ti lslaambã na n tōoga Haybar Yahuud-rãmbã beoogo, la rēnda yaa sēn tũ ne rao nugu, t'a na n kō-a tãp-kaore, tãp-kaorã me yaa bumb ning soddaasã sēn zēkd ti yaa bãmb tagmase. La rao-kãngã, a sif-rãmbã yaa t'a nonga Wēnde, la A Tēn-tuumã, ti Wēnd la A Tēn-tuumã me nong-a. Tu sahaabsã gãand yungã n gomda la b yēsd ned ning b sēn na n kōo tãp-kaorã, yaa ānda? Tu ned fãa tar yamleog n rat zislem-kãngã, la beogã sēn wa n vëegã, b kēnga Nabiyaamã nengē (Wēnd puusg la A tulgr be a yĩnga) ti b fãa tēed n na n paam yel-zislem-kãngã, ti Nabiyaamã (Wēnd puusg la A tulgr be a yĩnga) sok a 'Ali [bn Abu Ṭaalib yelle (Wēnd yard be a yĩnga) Ti b yeele: t'a yaa bãada, a nin a yiibã zabdame. Nabiyaamã (Wēnd puusg la A tulgr be a yĩnga) tums ti b kēng a nengē, ti b wa ne-a, t'a tubs a 'Ali nin a yiibã pugē, ne a kolkood zisdã, n kos n kō-a, t'a bãagã maage, ti yaa wala zabdem rag n ka be ne-a ye, t'a kō-a tãp-kaorã, la a sagl-a t'a kēng yol-yole, halu n tug n pēneg bæεbã kadēngē wã, n wilg-b lslaangã ti b sã n sake, bi a kō-b kibar ne bumb ning sēn yaa tulae n zao b zug sēn yaa faril-rãmbã. Nabiyaamã (Wēnd puusg la A tulgr be a yĩnga) vëneg n wilg a 'Ali, Da'awa wã (bool-n-tug Wēnd sorã) yuudlem ning sēn be beenē, la dīinã boondã, a sã n yu sabab ti ned a yembr kãndge, yē sōma n yuud a sēn na n tall yugem miid, sēn yaa Laarab-rãmbã arzek sēn tug n yaa yulgemd n yuuda, t'a soog-ba, maa a rik-b lame n na n maan sara.

النجاة الخيرية  
ALNAJAT CHARITY

